

حقوقی بیلگیلر مجموعه سی

صَاحِبْ وَسْرَحْرَدِي: پَارِسْ حُقُوقْ فَاكُولْتِهْ نِي دُوقُورِي
آدِوَقَاتْ مِیلاسی غادرانقو

هیئت تحریریه

موسیر آتیل دستر: پارس حقوق فاکولته سی
مدرس لرندن

موسیر شاور غره ده: پارس حقوق فاکولته سی
فخری مدرس

موسیر ا. سالام: حقوق دول مجموعه سی
هیئت تحریریه سندن

باهر بک: احضار قوانین قومیسینو اعضاء سندن
محمد طلعت بک: آدِوَقَاتْ

موسیر آ. پیلیرنی: پارس حقوق فاکولته سی
دوقوروی

فراد خلو سی بک: محکمه تمیز اعضاء سندن

صبری بک: عدلیه وکالتی حقوق ایشلری مدبری

مصطفی رشید بک: استانبول حقوق فاکولته سی
مدرس لرندن

احمد رفیع بک: استانبول اجرا رئیس

احمد صمیم بک: استانبول حقوق فاکولته سی
مدرس لرندن

موسیر شارل قروزا: استانبول حقوق فاکولته سی
مدرس لرندن

آدرهس: غلطه ده بختیار خان آدِوَقَاتْ میلاسی غادرانقو بکک یازمخانه سی
تلفون: بک اوغل ۳۰۰۹

بهر نسخه نك بدلی ۳۵ غروشدر

بر سنه لك آبونمانی پوسته اجرتیله برابر ۴۰۰ غروشدر

تورکیا خارجی ایچون ۵۰۰ غروشدر

کاغذ حیق و مطبعه جیق آنونیم شرکتی — استانبول

اقامتگاهي بولمق ایچون یابدینی تحریاتی و تدقیقاتی تحقیقات حاکمه بیلدیرر، حاکم وضعیتی ملاحظه ایدر. یا اقامتگاهی مجهول عد ایدر و یا خود مباشر کتیره چکی تفصیلاتی مدعینک ایضاحاتی نظر دفته آله رق دیگر نوع تحقیقات اجراسی امر ایدر. هر حاله و دایما بر محله مختارینک مهربنه اعتماد اولنما ایدر. محله مختارینک علم و خبری بالکزه حادی معلومات قیلندن نظره آله بیلیر. و فقط اقامتگاهی مجهول عدا تمک ایچون بو علم و خبر لازم اولمادینی کبی جوق کره کافی ده تلقی اولنما ایدر.

بزم احکام قانونیه مزه کورده مدعی و یا مباشر یالان افاده لر ایله و یا بعض تفصیلاتی کتم ایدرک اقامتگاهک مجهولیتی قرارینک ویرلسنه سبب اولمشر ایسه مسئولدر لر. فقط بوتون تفصیلاتی اولدینی کبی سویلشیر ایکن محکمه، بو تحقیقاتدن اقامتگاهک مجهولیتی استدلال ایتمش ایسه، نه حاکمک ونه ده مباشر و مدعینک مسئولیتی لازم کدیکی ظن ایدرم. مع مافیه حقسزیره دعوا ایدن مدعی به قارشی دعوتیه دن خبردار اولمایان مدعی علیک حال سابقه ارجاع طلبنده بولونایله چکنی ظن ایدرم. یکی حقوق اصول محاکمه لری شرحزه مراجعت ماده: 167 نومرو: 2 فقط پارس محکمه سنک تدقیق ایستدیکي حادثه ده اولدینی کبی مدعی علیه، خبردار اولقسزین علیه حکم و بریلوب ماللری صائلش اولورسه احاله قطعیه قرارینک بو سببله فسخی ممکن دکلدرد. مدعی علیه حقسزیره تعقیبات اجرا ایتمش اولان مدعیدن ضرر و زیان طلبندن باشقه مراجعت ایدر بیله چکی واسطه یوقدر

حقوق فاکولته سی مدرسلرندن

مصطفی رشید

یازان: خزینه و مسکرات انحصار اداره سی وکیللرندن

آووقات: عثمانه نوری

تورک وطنداشلفی قانونه

عالمه ترقیقدر

تورک وطنداشلفی حقوقی

تشکیلات اساسیه قانونموزک 88 نجی ماده سنده تورکیه اهالیسنه دین و عرق فرقی اولقسزین وطنداشلق اعتباریله تورک اطلاق اولدینی بیان ایدلرکدن سوکره تورکیه ده و یا خارجه بر تورک بابانک صلبندن طوغان و یا خود تورکیه ده متمکن بر اجنبی بابانک صلبندن

تورکیده طوغوبده مملکت داخلنده اقامت وسن رشده وصولنده رسماً تورکلی اختیار ایدن ویاخود وطنداشلق قانونی موجبجه تورکلکه قبول اولنان هر کسک تورک اولدینی و تورکلک صفتک قانوناً معین اولان احوالده اضاعه ایدلیدیکی ذکر اولومشد.

بوماده، تورک وطنداشلق نسل اعتبارله نصل استحصال ایدلیدیکی بیان ایلدکن- صوکره وطنداشلق قانونی موجبجه تورکلکه قبول اولنان کیمسه لرکده تورک اولدینی و تورکلک صفتک قانونک تعیین ایدیدیکی احوالده اضاعه ایدیلجکینی ذکر ایدیورکه مادمک زمان تنظیمنده وطنداشلق قانونی عنوانی تحتنده بر قانونمز بولندیغندن بونسکه ۱۱ کانون ثانی ۱۲۸۹ تاریخی ترتیب اول اوچنچی جلد دستورک اون آلتنجی صحیفه سنده کی «تابعیت عثمانیه قانوننامه» سنک قصد ایدلمش اولمسی ایجاب ایدر.

آلتمش سنه اول تنظیم ایدیلن «تابعیت عثمانیه قانوننامه» سی، یکی وطنداشلق قانونی ایچون بویوک ملت مجلسنک خارجیه انجمنی طرفندن تنظیم اولنان مضبوطده تصریح ایدلیدیکی اوزره، قایتولاسیون رژیم زماننده تنظیم ایدلمش اولدیغندن تابعیت ایشلرینی آتارشدن قورتارمغه واجیبیلرک بو ساحهده حقسز مداخله لرینک اوکنی آلمغه موفق اولمغه برابر موجود سیستم وتلقى ایجابی اوله رق مملکتک سیاسی، اداری واجتماعی وحدتنده مهم بر رول ایفا ایتمسی ممکن وطبیعی اولان مولد اساسنی بالضرور پک مهمل بر اققش والتمش سنه لک دوره مرعیتده حرب عمومینک حس استیردیدیکی بر احتیاط نتیجه سی اوله رق یالکیز اسقاط تابعیت حاللرینک توسیعنه مخصوص اولق اوزره بر دفعه تعدیل ایدلمش اولدیغندن [۱] بوقانونک معاصر حقوق تلقیارینه ومملکتک یکی احتیاجلارینه موافق وکافی کلدیکی تماماً آکلاشمشدی.

استانبول مبعوت محترمی توفیق کامل بک افندی، ۲۷ تشرین ثانی ۱۹۲۶ تاریخده تاریخنده بویوک مجلسی ریاست جلیله سنه تودیع ایدیدیکی بر تکلیفنامه ایله تورک وطنداشلقی قانوننک ایلك لایحه سی ده تقدیم ایتمش وبولایحه خارجیه و بعده عدلیه انجمنلرنجه تدقیق و بر درجه تعدیل ایدلدکن صوکره هیئت عمومیه ده ۱۹۲۹ سنه سی کانون ثانیسنک برنجی کوندن اعتباراً مرعی اولق اوزره تصدیق اولمشدر [۲].

[۱] ۳ یسان ۱۳۳۳ تاریخی قانون، تقویم وقایع وموسو: ۲۸۶۱

[۲] ۴ خیزران ۱۳۴۸ تاریخی رسمی غزه.

قانون اوج فصله آیرلش اولوب برنجی فصل اصلی و مکتسب وطنداشلقدن ،
ایکنجی فصل وطنداشلقدن چیمقدن ، وطنداشلقدن اسقاط ایدلمکدن و بونلرک حکملرندن
واوچنجی فصل اولئمک و وطنداشلغه تأثیراتندن اولئمکله تورک وطنداشلغه کیرن اجنبی
قادینلرک تکرار اجنبیلکه نه وقت رجوع ایدمه سیله جکلرندن و تورک تابعیتی حکومتک
مساعده سیله ترک ایدن تورکلرک تکرار تورک وطنداشلغه نصل عودت ایدمه سیله جکلرندن
باحثدر . مقاله لریمزله بو اوج فصلده کی احکامی ایضاحه و بالخاصه النعا اولنان قانونه نظراً
احداث ایدیلن یکیلکلری و سائر دولتلرک تابعیت قانونلریله کندی قانونمز احکامنک
تعارضندن تولدی محتمل اولان مسائلی توضیحه چالیشه جغز .

1 — اصلی وطنداشلق

وطنداشلق یاخود تابعیت بر شخصی بر دولته برلشدیرن سیاسی و حقوقی رابطه یه
دیرلر . « آ . پی یه وژ . پ . پی بویه » نک مختصر حقوق خصوصیه دولی ، صیفه ۴۴ ،
اشخاصک تعین تابعیتده قوانینک تعقیب ایده جکی باشلیجه قاعده لر اوجه ارجاع اولنه بیلیر .
آ ، هر کسک بر تابعیتی اولمق ایجاب ایدر . ب ، هر کسک دوغدیغی آندن اعتباراً بر تابعیتی
بولمق لازم کلیر . « ، تابعیت ، علاقه دار دولتک موافقی آنسهرق آرزو و رضا ایله
تبدیل ایدیه بیلیر .

برنجی قاعده — هر کسک بر تابعیتی ، بر وطنداشلق صفتی حائز اولمسی افاده ایدن
بو قاعده پک مهمدر . زیرا وطنداشلق صفتندن بر چوق وظیفه لر چیقار . صلح و حرب
زماننده عسکرلک و طداشلره مخصوص بر خدمت اولدیغی کبی هر مملکتده بعض
صنعت و مسلک کرده وطنداشلره حصر ایدلمشدر .

مختلف تابعیتده بولان اجنبیلر آراسنده دخی منسوب اولدقلری دولتلرله عقد اولنان
مقاوله لره گوره مملکتده بعض حقوقی حائز اولوب اولماق مسئله لرنده بویوک فرقلر
واردر . بناءً علیه هر شخصک یرلی و یا اجنبی اولدیغی و اجنبی ایسه هانکی دولتک تبعه سی
و وطنداشی بولندیغی بیلیمک حائز اهمیتدر .

ایکجی قاعده — هر کسک بر تابعیتی اولسی برنجی قاعدهٔ اصلیه اولدیغنه کوره بو تابعیتک دوغار دوغماز حصولی ایکنجی بر قاعدهدر. بر شخصک کوزلرینی دنیایه آچار آچار معین بر دولته منسوب اولسی لازمدر. فقط امتساب ایدیلجهک دولت عجبیا نصل تعیین اولنور؟

بو خصوصده جهانک تابع اولدینی ایکی بویوک سیستم وارددر:

برسی Jus sanguinis دینلن نسل، قان اصولی.

دیگری Jus soli دیدکلری مولد طوپراق اصولیدر.

(۱) نسل اصولی — بواساسه کوره چوجوقلر آنا و بابالرینک تابعیتلرینه مربوطدرلر چوجوقلر، قان رابطه لرینی تعقیب ایدرلر. بر چوجوق، اویونک صفتی اکتساب ایتیجهک اولورسه بر دولتک وجود بوله مایه جفی بیه ادعا ایدیلور. وطنداشلق صفتی هرشیدن اول نسل ایله تعیین اولنور و قان رابطه وعلاقه لریده بالاخره بو صفتک دوامی دها کوزل تأمین ایلرلر. پییه دیورکه: « ممالک اجنبیهده یاشایان فرانسزلرک اوراده کی چوجوقلرینک فرانسزلی قلب و تمایل اعتباریه بابالردن آشای وضعیف دکلدر. بناء علیه بو چوجوقلرک اجنبی بر مملکتده دوغمش اولمالری کی عارضی سیدلر بابالرینک صفتلردن محرومیتی موجب اولماق لازمدر.

(۲) مولد اصولی — بو اصولی تعقیب ایدنلر، وطنداشلق صفتک محل تولده نظرآ تعیینی لازم کورویورلر، وطنداشلق صفتک تعییننده طوپراق علاقه سنک حاکم اولدیغی و بر وطنداشدن ایسته نیلن، بکله نیلن بر چوق اوصافی اونک بویودیکی محیطده اکتساب ایده جکفی بیان ایدیورلر. بر محیطدن آلان تربیه نک سجه اوزرنده قان رابطه لری قدر تأثیری اولور.

پییه دیورکه: ایکی فرانسز عائلهدن برینسک چوجوغنک اجنبی مملکتده دوغمش و قطعی اوله رق اوراده یاشادیغی و دیگر عائله چوجوغنکده فرانسده دوغمش، اوراده بویومش، فرانسز مکتبه دوام ایله دیکفی فرض ایده لم؛ عجبیا بویایکی چوجوغنک ایکنجیسی بزه دها زیاده امنیت و تأمینات بخش ایتزمی؟ برنجیسی اکثریا فرانسزلی یالکز بر نام اوله رق طاشیر، حالبوکه ایکنجی حقیقهٔ برونش اولور.

نسل وقان رابطه‌سنگ خلاقی ثابت اولونجایه قدر علاقه‌دارلرک آرزوسه الک موافق بر اصول اولدینی، بورابطه‌سنگ بر عائله‌سنگ ایچنده عینی وطنداشلاق صفتسنگ محافظه‌سسه خدمت‌ایستدیک، برچوق ایشلری تسهیل وعائله‌سنگ معنوی وحدتی تأمین‌ایلدیک متحققدر. فقط بواصولکده بعض محذورلری وارددر. مملکتسسه بر چوق مهاجرلر کلن بر دولت اگر چوق دقتله حرکت ایتیه‌سنگ اولورسه اجنبیلرک استیلاسه اوغراپاییلیر. شمالی وجنوبی آمریقا دولترلرندن چوغسنگ مملکتلریسه کلن اجنبیه‌سنگ اولاد واحفادی، بودولت تماماً نسل اساسنی قبول ایدهرک، اجنبی قالمش اولسه‌لردی مملکتده اهلینک اکثریتی اجنبیلر تشکیل ایتمش اوله‌حقدی.

ایکی اصولدن یالکیز بری ویا دیکرینک، دوغری اولدینی ادعا ایدیلنجه صرف برینک قبولندن تحصیل ایدیه‌سنگ محاذیر اثبات ایدیه‌بیلیر. فی‌الحقیقه کرک نسل، کرک مولد اساسلرندن هربری بر مملکته‌ای ویا کوتو وطنداشلاش ییتشیدیره‌بیلیر. «پی‌یه» دیپورکه اجنبی مملکتلرده فرانسز ابویندن دوعوب عائله‌لریله فرانسه‌یه چوق مربوط اولان نه قدر چوجوقلر وارددر.

مفکوره وعایه‌سنگ، اصل واساسلرینی ملی قان تشکیل ایدن ذهینتلی حقیقه ملی بولان وطنداشلره مالکیت اولدینی شبه‌سزدر.

فقط فرانسه خارجنده بویون بر چوق چوجوقلرده، عائله‌لریسنگ ملی سجه‌لری ضعیف اولدینی حالده، حسیات ملیه‌لرینی غائب ایدرلر. دیکر طرفدن فرانسه‌ده اجنبی ابویندن دوغان چوجوقلرکده آلدق‌لری تربیه سایه‌سنده مکمل، کوزل وطنداش اوله‌بیله‌جکلری متحققدر. فرانسه‌سنگ (Cahores) شهرنده ایتالیان بر بابانک صلبندن کلن غامبه‌تا بونک فارق وبارز بر مثالدر.

فقط فرانسه‌ده دوغان اجنبی چوجوقلرده، بونلرک ابوینی تربیه ایله یاخود باشقه بر صورتله اجنبیلک حسنی محافظه ایدرلرسه بوتون قبلریله اجنبیدرلر.

نسل ومولد اساسلریسنگ قبولی مسئله‌سی عرقی اولمقدن زیاده سیاسی وعملی سبیلره مستقندر. بر دولت بوایکی اساسدن ایستدیکنی قبولده سربست دکلددر. بر دولته بونلردن برینک انتخاب وترجیحی نفوس ایستاتستیکلری توصیه وتوجیه ایدر. صرف

مهاجرت صورتیله کلن نفوسدن متشکل بر دولت ایچون اجنیلری ممکن اولدینی قدر چوق و امکان درجه سنده چابوق بلع و تمثله چالیشمق اکثریا بر ضرورت سیاسی و بالنتیجه بر حیات و ممات مسئله سیدر؛ بناءً علیه بو دولته مولد اساسی پک واسع اوله رق اجرای تأثیر ایدر. متواصل قابل دروندنه کی عینی مایع لک سطح لرینک عینی افقی سویه ده بولنه جغه دائر اولان قانونک تطبیقاتی یا لکنز حکمت طبعیه ساحه سینه منحصر دکلدرد.

هر کونکی تجربه لر بو قانونک اجتماعیات ساحه سنده دخی توسع ایتدیکنی کوستر مکده در. آمریکا دولتری بو صورته انکشاف ایتشدرد. آلمانیا کی نفوسی کثیر اولوب کلن مهاجر مقداری آز و خارجه چیقان مهاجر لک عددی چوق اولان بر مملکت نسل اساسه توسل ایده بیلیر. بویله بر مملکتک نفوسی کندیسینه کفایت ایتدیکندن اجنیلری تمثله احتیاجی اولدینی کی بو اجنیلرده کندی نفوسنه نسبتاً پک آز اولدیغندن برتهلکده تشکیل ایده مزلر. دیگر طرفدن ینه بو مملکت، اجنبی دیاره داغیلان وطنداش لک کندیسینه مربوط قالسندن مهم بر منفعت ملیه استحصال ایده جکندن نسل اساسی، بوجهته ده سیاسته توافق ایلر

یکی قانونموزک نسل و مولد اساسلرینی قبولده کی مسلکینی آشایدنه تحلیل و تعیین ایده جکذر .

اریمنجی قاعده . — وطنداشلق صفقی، تابعیت، علاقه دار دولته موافقتی اوزرینه رضاء تبدیل ایدیله بیلیر. هر کس دوغدینی آندن اعتباراً بر تابعیتی حائز اولمقلا برابر، قاعده، بو تابعیت قطعی دکلدرد.

بر کیمسه، مدت حیاتی انساننده، دیله یه جک اولورسه، دیگر بر دولته تابع اولمق ایچون، تابعیتی دیکشدره بیلیر. و قتیله، تابعیت، وطنداشلق رابطه سی دائمی عدا اولنوردی؛ فقط شمدی بوتون مملکتلر وطنداشلق رابطه سنک انقطاعی ممکن اولدینی قبول ایدیورلر. بوکا سبب اولمق اوزرده تابعیته آنجق رضانک اساس اوله بیله جکنی بیان ایدیورلر. بوراده زان ژاق روسونک مقاوله اجتماعیه سنده کی فکری کوریورلر سده شمدیکی مؤلفلر بونی کافی اوله رق قبول ایتیمورلر.

انسانلرک حیاته ده بولندقلری مدتیجه تابعیتلرینی تبدیل ایده بیلملری امکانک مقاوله

اجتماعیه ده کی فلسفی فکر دڼ اخراج واستباطی پک ده قابل کور و نیمور. مقاوله اجتماعیه ده کی اساس، تبدیل تابعیت حقنی فردہ پک فضلہ اولہ رق طانیور. دولت، وطنداشلرک، تبعہ سنک خدمتارینه اعتماد ایتیمہ جک واونلرک اوصافندن امین اولمایہ جق اولورسه ایفاسنه مجبور اولدینی وظیفہ لری اجرا ایدہ مز. بناءً علیہ درلتک بو بایده کی فعل و حرکتی ایکی استقامتده تظاهر و تحلی ایدر:

۱، دولت وطنداشلره محتاج اولدیغنه حکم ایدرسه دیگر بر مملکتده تبدیل تابعیت ایتلرینی منع ایدہ بیلیر. دولت، تابعیت دائمه، دائمی وطنداشلق شکلنه قدر کیتیمکسزین کندیسنه معین بر ارتباط طلب ایدہ بیلیر و بو صورته وطنداشک تبدیل تابعیت آرزوسی، دولتک بو خصوصده کی اعتراضه و مخالفت مخفانه سنه معروض اولور. فرانسه کی بزمده اسکی ویکی تابعیت و وطنداشلق قانونلر مز بومسلکی قبول ایتشدیر.

۲، بر دولت بو ویا شو قسم اجنبیلری وطنداشلق میانہ قبوله اصلاً مجبور دکلدیر. بر مملکتده منسوب اولان وطنداشک تابعیتی دیکشدر مہمی آرزو ایلمہ سی کافی اولمایوب بر دولت طرفندن قبول ایدلش اولسی لازمدر. بو دولتده وطنداشلق قبول شرائطنی بالذات ایستدیکی کی تعیین ایلر. هر دولت اجنبیلری سینه سنه قبول ایدوب ایتیمہ کی کندیمی ایچون بر حق حاکمیت مسئله سی عد ایدر. یالکیز اجنبیلرک بوبایده کی آرزولری غیر کافی و آخر دولتک تابعیتی اکتسابده کلہ نک تام معناسیلہ بر مقاولہ نک موضوع بحث ایدلمسی ده غیر ممکندر.

فقط بوراده ینہ اشارت ایدم کہ دولتلر تابعیتلرینک اجنبیلر طرفندن اکتسابی اساساً قبول ایتشدیرد. فقط تابعیتک اکتسابی ایچون وضع ایتدکلری شرطلر بر برندن فرقلی اولدینی کی اکتساب تابعیت ایچون مراجعت ایدنلردن ایستدکلرینی رد ایتک صلاحیتی حائزدرلر. رد صلاحیتی استعمال ایدر کن اسبابی محق کوسترمکده مجبور دکلدیرلر.

دیگر طرفندن، دولتلردها ایلری به کیده رک بعضاً اجنبیلره هیچ بر مراجعت و طلبلری واقع اولمکسزینده تابعیتلرینی تودیع ایدہ بیلیرلر.

اجنبی ایله ازدواج ایدن قادینه همان هر رده زوجنک صفت تابعیتک تودیع اولنسی

و بر محلی کنديسنه الحاق ایدن دولتک تابعيتی الحاق اولان محلاک ساکنلرينه تحمیل ايله مسی طلب و مراجعت واقع اولقسرين اکتساب تابعيتک معروف مثاللرينی تشکیل ایلر. نتیجه، انسانلر منسوب اولدقلری دولت مساعده ایدر و دیگر بر دولت قبول ایلر ایسه تابعيتلرينی تبدیل ایده بیلرلر.

بر تابعيتک طلب و آرزو ايله تبدیل ایديله بيلمسی صلاحيتک بر نتیجه اساسیه سی واردد: بر شخص تسلیق [1] ايله اجنبی بر تابعیتی اکتساب ایدنجه اسکی تابعيتی ضایع ايله مسی لازمدر؛ افاده دیگرله هیچ کیمسه نیک ایکی تابعیت صاحبی اولماسی مقتضیدر. ایلریده ایضاح ایدم جکمز اوزره بر کیمسه نیک ایکی تابعیتی حائز اولدینی احوال واقع و موجود اوله بیلر سده بو احوال بر کیمسه نیک دوغار دوغماز احراز ایتدیکی متعدد تابعیتدر. بوراده ایسه رضالریله و مملکتلرینک اصللرینه موافق اوله رق تابعيتلرينی تبدیل ویکی بر تابعیت اکتساب ایدن کیمسه لر موضوع بحثدر که بونلرک ایکنجی تابعیتی اکتساب ایچون اولکی تابعیتی ضایع ايله ملری مقتضیدر. عکسی حالده بو کیلرک ایکی تابعیتی اولور.

بر چوق دولترک قانونلری بر شخصک ایکی تابعیتده بولنسی منع ایدم جک احکامی حاویدر. فقط بعض قانونلر بر شخصده ایکی تابعیتک، ایکی وطندا شلق صفتک برلشمسی موجب اوله جق احکامی متضمندر.

آلمانیا نیک ۲۲ تموز ۱۹۱۳ تاریخلی تابعیت قانوننک یکر می بشنجی ماده سنک ایکنجی فقره سی بوجه آتیدر: «اجنبی بر تابعیتی اکتساب ایتزدن اول اصل منسوب اولدینی دولتک صلاحیتدار مقامنه مراجعتله تابعیت اصلیه سی محافظه ایدم جکنه دائر تحریری مساعده استحصال ایتش اولان آلمان تابعيتی ضایع ایتمز. موضوع بحث اولان مساعده نیک اعطاسندن اول آلمان قونسلوسنک رأی آلیتر.»

فرانسزلر دییورکه: بوفقره، آلمانلرک اجنبی مملکتلرده او مملکتلرک تابعيتی اکتساب ایتمکله برابر حیللی و مواضعلی بر صورتده یه آلمان قاله رق او مملکتلرک بونون ایشلرینه نفوذ و حلول ايله ملرین تشویق و تسهیل ايله یور و بوکی اشخاصک ظاهراً اجنبی تابعيتی حائز، فقط خفياً حالا آلمان اولدقلری جهته تابعيتی اکتساب ایلدکلری مملکتده تأسس

[1] Naturalisation مقابلی اولوب بر اجنیتک مراجعتی اوزرینه وطندا شافه آلتاسدر

ایده‌رک اولنک نعمتلرندن استفاده ایتمکه برابر حرب عمومی اعلان ایدیلر ایدلر بونلر اسکی آنا وطنه عودت ایدیورلر و مالک اجنبیه بک چوق آلمانلر مهاجرت صورتیه کچمش اولدیغندن بوقانون آلمانیا ایچون بک بیوک فائدهلر تأمین ایله یور . وقایع ، آلمان قانوننک بحث ایدیلن حکمندن ، دیکر مملکتلر ایچون تولد ایدیه بیهلرک تهلکه‌نک حقیقی اولدیغنی کوستردیکندن وهرسای معاهده سنک ۲۷۸ نجی ماده سیله [2] مذکور حکمک تطبیقندن متحصل نتایج تماماً الغا واسقاط ایدلشد .

اسویچرده

غیر منقول صائیشی

اجرا رئیسی :

اصمہ رئیسی

اسویچره اجرا حکملری تدقیقلرندن :

— 6 —

غیر منقول ماللرک صائیشی

اسویچره قانتونلری اجرا دائره لرنده غیر منقول ماللرک صائیشی فده‌رال اجرا قانوننک (133 الی 143) نجی ماده لرله غیر منقوللرک جبری صائیشلری حقنده کی (23 نیسان 1920) تاریخی نظامنامه حکمه توفیقاً یاپیلر .

بو حکملرله اجرا قانونمز آره‌سننده کی اساسلی و بارز فرق ، اسویچرده غیر منقولده بر درجه لی صائیش اصولنک جریانی ، نقد و غیر منقول سرمایه لر آره‌سننده کی اقتصادی وضعیت اعتباریه بورجلییه اوزون مدتلی مهللر ویرلسی ، صائیشک ویره‌سی یه ده اولایلمسی ، صائیش شرطلری قانتونلرک عرف و عادتلری ده نظر دفته آلهرق الک فائده لی

[2] آلمانیا نک مغلوبیتی اوزرینه بر طرفه فرانسه و متفق و مشارکلی دیکر طرفه آلمانیا اولق اوزره عقد ایدیلن ورسای معاهده سنک 278 نجی ماده سی : « آلمانیا کندی تبعه سنک متفق و مشارک دولتلرک قانونلریه و بول دولتلرک صلاحیتدار مقاماتنک مقرراتنه توفیقاً کرک تسلیم ، کرک بر معاهده حکمک نتیجه سی اولهرق اکتساب ایتش اولدینی یکی بر تابعیتی تصدیق ایلمکی و و تبعه بی اصلاً منسوب اولدینی دولته قارشی اولان رابطه تأمینندن ، یکیدن اکتساب ایتش اولدقاری صفت تابعیته مبنی بونون نقاط نظر دن تجرید و ابرا ایلمه بی قبول و تمهد ایلر . »